

govinae in Provinciam erigitur, quae usque hodie sub omni respectu florens persistit.²⁹³

Fundamentum in rebus curam pastorem concernentibus est illud in decretis Concilii Tridentini et Constitutione »Firmandis« Benedicti XIV, pro casibus vero ibi non praevisis recurrendum erit ad aliam ejusdem Pontificis Constitutionem, scilicet »Apostolicum ministerium«, quae prioris est potissimum explicativa.²⁹⁴ Positis his pro fundamento, quaedam speciatim exprimuntur; jus nominandi ac praesentandi parochos Custodi competit; necnon utrique auctoritati cumulative jus competens transferendi vel amovendi eosdem secundum Constitutionem »Firmandis«. Hic tamen additum est unum elementum quod originem ducit ex illis controversiis in Bosna jam habitis, commendatur scilicet ne translatio fiat ante sexennium commorationis in eadem parochia.²⁹⁵ Hoc nonnisi est mitigata decisio ex decreto a. 1837 pro Bosna lato desumpta. Ulterius, in casibus discordiarum et visitationis omnia ad tramitem dictarum constitutionum fiant. Fas est episcopo parochias et ecclesias regularium visitare: »nei termini medesimi della encomiata Costituzione »Firmandis«.²⁹⁶ Parochiae remanent subjectae conventui, eique omnes eleemosynas remittere tenentur, demptis necessariis pro parochi sustentatione.²⁹⁷ Sic igitur in Hercegovina eadem conditio juridica parochiarum persistere continuavit sicut prius dum cum Bosna erat.

Tempore separationis in tota Hercegovina franciscana existebant tantummodo 9 paroeciae et una cappellania localis,²⁹⁸ quae prius adnexae erant conventibus de Kreševu et Fojnica, quorum vices et jura nunc post separationem in se conventus de Široki Brijeg et alius de Humac suscepe-

²⁹³ Schematismus provinciae Hercegovinae 1933, 27—28.

²⁹⁴ Ibidem, 23.

²⁹⁵ Ibidem, 24.

²⁹⁶ Ibidem, 25.

²⁹⁷ »quindi lasciando nel loro vigore le concessioni pontificie per la specialità del luogo, li esortiamo (i. e. parochos) a provvedersi del solo bisognoevole alla vita, e tutto il superfluo sia mandato al convento, a cui è soggetta la parrocchia«. Ibidem, 25.

²⁹⁸ Glavaš, Spomenica, 98.